

UNIVERZITET U TUZLI
Broj: 01-156-JN-10/25 LOT 1
Tuzla, 17.10.2025. godine

Na osnovu člana 70. stav (1) i stav (3) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-156-JN-9/25 LOT 1 od 08.10.2025. godine, po punomoći Rektora Univerziteta u Tuzli broj: 01-6591-14/15 od 18.09.2025. godine, Direktor za ekonomske poslove, donio je

ODLUKU O IZBORU NAJPOVOLJNIJEG PONUĐAČA

I

U otvorenom postupku javne nabavke računarske opreme - LOT 1 (u cilju realizacije projekta "TRUST") Univerziteta u Tuzli, izabran je ponuđač "INGEL" d.o.o. Tuzla, sa ponuđenom cijenom od 14.920,00 KM bez uračunatog PDV-a, odnosno 17.456,40 KM sa uračunatim PDV-om, te se istom dodjeljuje ugovor o nabavci robe.

II

Ponuda ponuđača iz tačke I ove Odluke odabrana je iz razloga što kao prihvatljiva u svemu zadovoljava uslove propisane Tenderskom dokumentacijom.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti originale ili ovjerene kopije dokaza iz člana 45. stav (2) tačka a) do d) Zakona o javnim nabavkama BiH koji su precizno definisani u tački 3.1.6. Tenderske dokumentacije.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

V

Ova Odluka stupa na snagu sa danom donošenja i za njeno sprovođenje se zadužuje Odjeljenje javnih nabavki i investicija.

O b r a z l o ž e n j e

Univerzitet u Tuzli pokrenuo je postupak javne nabavke računarske opreme - LOT 1 (u cilju realizacije projekta "TRUST") putem otvorenog postupka javne nabavke broj: 01-156-JN-2/25 od 19.08.2025. godine objavljenom na Portalu javnih nabavki "E-nabavke" broj: 795-1-1-131-3-122/25 od 25.08.2025. godine, "Službenom glasniku BiH" broj: 55/25 od 19.09.2025. godine i WEB stranici Univerziteta.

U ostavljenom roku ponudu su dostavila četiri ponuđača: "INTER-COM" d.o.o. Zenica, "SYSTEM ONE" d.o.o. Sarajevo, "ELUR" d.o.o. Kiseljak i "INGEL" d.o.o. Tuzla.

Analizom ponuda utvrđeno je sljedeće:

- Ponuda ponuđača INTER-COM doo Zenica sadrži kvalifikacione dokaze zahtijevane tenderskom dokumentacijom, ali ponuđač nije u cijelosti popunio karakteristike ponuđene opreme za stavku pod rednim brojem 1. Laptop, tačnije za stavku A11- AC adapter za napajanje kompatibilan sa ponuđenim uređajem u koloni 5 ne navodi karakteristike ponuđene opreme i u priloženom katalogu na strani 35. takođe nije moguće utvrditi karakteristike adaptera. Zbog navedenog ponuda ponuđača INTER-COM doo Zenica je ocijenjena kao nepravilna jer nije u skladu sa tenderskom dokumentacijom i nije išla u dalju proceduru.

- Ponuda ponuđača SYSTEM ONE doo Sarajevo sadrži kvalifikacione dokaze zahtijevane tenderskom dokumentacijom, ali ponuđač nije u cijelosti popunio karakteristike ponuđene opreme za stavku pod

rednim brojem 1. Laptop, tačnije za stavku A1- Procesor i stavku A2- Grafika ne navodi karakteristike ponuđene opreme, a što je navedeno u Napomeni Obrazca za cijenu ponude. Nadalje, za stavku pod rednim brojem 4. iPad, tačnije za A2 - Olovku i A3 - Smart folio nije priložen katalog, a što je zahtijevano Napomenom u Obrazcu za cijenu ponude. Takođe, za stavku pod rednim brojem 1 Laptop - A12 garancija u katalogu je ručno dopisana 12 mjeseci, a što nije dozvoljeno i navedeno je u Napomeni Obrazca za cijenu ponude.

Zbog navedenog ponuda ponuđača SYSTEM ONE doo Sarajevo je ocijenjena kao nepravilna jer nije u skladu sa tenderskom dokumentacijom i nije išla u dalju proceduru.

- Ponuda ponuđača ELUR doo Kiseljak sadrži kvalifikacione dokaze zahtijevane tenderskom dokumentacijom, ali za stavku pod rednim brojem 3. Monitor, tačnije A9 navodi napajanje 2x HDMI, a zahtijevano je 1 x VGA.

Zbog navedenog ponuda ponuđača ELUR doo Kiseljak je ocijenjena kao nepravilna jer nije u skladu sa tenderskom dokumentacijom i nije išla u dalju proceduru.

- Ponuđač INGEL doo Tuzla je dostavio sve kvalifikacione dokaze zahtijevane tenderskom dokumentacijom, opremu u skladu sa traženim minimalnim karakteristikama i ponudu u skladu sa Tenderskom dokumentacijom koja je ocijenjena kao prihvatljiva.

E-aukcija nije zakazana jer je pristigla jedna prihvatljiva ponuda.

Rang lista je kako slijedi:

PONUĐAČ	PONUĐENA CIJENA KM (bez PDV)	RANG
INGEL doo Tuzla	14.920,00	1.

Budući da ponuda ponuđača "INGEL" d.o.o. Tuzla u svemu zadovoljava zahtjeve Univerziteta u Tuzli predviđene Tenderskom dokumentacijom, te je ocijenjena jedina kao prihvatljiva, Komisija je dala preporuku da se isti izabere Odlukom o izboru najpovoljnijeg ponuđača za nabavku računarske opreme - LOT 1.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana računajući od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-156-JN-9/25 LOT 1 od 08.10.2025. godine

DOSTAVITI:
1x učesnicima
1x a/a

